

BOSNA I HERCEGOVINA
Federacija Bosne i Hercegovine
UNSKO – SANSKI KANTON
Skupština



BOSNIA AND HERZEGOVINA
Federation of Bosnia and Herzegovina
UNA – SANA CANTON
Assembly

Poslanička pitanja

sa IX redovne sjednice Skupštine Unsko – sanskog kantona
koja je održana 24.07.2015. godine

Bihać, 24. juli 2015. godine

AD-2

Poslanička pitanja

Poslanik Hajrudin Halilović:

Poslaničko pitanje se odnosi dakle u pismenoj formi tražim odgovor Zavodu zdravstvenog osiguranja da u pisanoj formi da zašto i kada treba isplatiti 65.000,00 KM „Lječilištu Gata“ s obzirom da se tamo liječe RVI, demobilisani borci, pacijenti sa šećernom bolešću, pacijenti sa paraplegijom, dakle oni koji su preživjeli određenu vrstu moždanog udara, za 2014.godinu „Gata Lječilište“ je u vrijednosti od 65.000,00 KM uradila usluge građanima USK-a, dakle pacijentima USK-a koji su koji su uredno imali uputnicu za liječenje u navedenu zdravstvenu ustanovu, ZZO odnosno komisija zavoda je to uredno protokolisala, ljudi su odradili svoj dio posla dakle u vrijednosti od 65.000,00 KM, fond zdravstvenog osiguranja je za 2014-tu godinu rekao da je primio fakture, to je uredno protokolisano u samom fondu, postavlja se pitanje zar zbog toliko novaca trebamo obustaviti proces daljeg liječenja u „Gati“ dakle RVI, demobilisanim borcima, reumatičarima, paraplegičarima i ostalima, dakle u pisanoj formi šta je razlog a znamo da fond za 2014.godinu je poslovao sa 7.miliona suficita. Hvala lijepo.

Poslanik Kenan Keserović:

Za današnju sjednicu sam pripremio dva poslanička pitanja. Prvo pitanje upućujem Kantonalnom ministarstvu za građenje i prostorno uređenje i zaštitu okoliša USK-a i nadležnim općinskim službama u svim osam odnosno sedam općina i Gradu Bihaću. Naime, Skupština Kantona je 2011.godine donijela Zakon o prostornom uređenju i građenju („Službeni glasnik USK“ broj: 10/11) od 27.06.2011.godine gdje se u članu 82. definisana obaveza osiguranja nesmetanog pristupa kretanja i boravka i rada za lica sa umanjenim tjelesnim sposobnostima. U građevinama za koje je izdano odobrenje za građenje ili koje su izgrađene prije donošenja ovog Zakona navodi se da potrebno da se arhitektonske barijere koje onemogućuju pristup i kretanje osobama sa umanjenim tjelesnim sposobnostima ukloniće se u roku od pet godina od dana stupanja ovog zakona na snagu. Moje pitanje je znači ja tražim da se u pismenoj formi odgovori na koliko je objekata na kojima su smješteni institucije kantona i općinskih organa uprave kao i javnih ustanova i preduzeća kojima je osnivač Skupština, Vlada Kantona i općine USK-a izvršena rekonstrukcija objekata s ciljem uklanjanja arhitektonskih parden barijera radi nesmetanog pristupa za osobe sa invaliditetom odnosno za osobe sa umanjenim tjelesnim sposobnostima. U prilogu pismenog odgovora molim da mi se prilože odluke koje pokrivaju gore navedenu oblast. Moje drugo pitanje upućujem JKP Komrad d.o.o. Bihać na ruke direktoru i nadležnoj gradskoj službi Grada Bihaća, prema informacijama koje sam dobio od grupe građana posebno ističem penzionere Grada Bihaća uvedene su nove cijene usluga prilikom izrade betonskih okriva oko mezara odnosno grobnog mjesta koje služi za postavljanje nišana ili drugog prikladnog obilježja umrle ili umrlog na mezarju Humci. Cijena pojedinačnog betonskog okriva iznosi 680 KM i može ga graditi sa JKP Komrad d.o.o. Bihać. Obzirom na tešku situaciju pogotovo penzionera a imajući u vidu da to ne iziskuje puno ulaganja građevinskog materijala za izradu navedenog i koštanja dnevnice jednog građevinskog radnika danas smatram da navedena cijena nije u skladu sa stvarnim finansijskim mogućnostima Grada Bihaća pogotovo penzionera i ostalih socijalnih kategorija. Molim Vas da mi u skladu sa znači dostavite u pismenoj formi odgovor na pitanje u skladu sa kojom Odlukom je donešena visina cijena usluge izrade betonskih okriva za pojedinačna mezarja, grobna mjesta u okviru mezarja Humci u Bihaću i tražim da mi se dostave odluke u prilogu ovog koje regulišu navedenu oblast.

Poslanik Mirvet Beganović:

Prvo jedna dobronamjerna kritika, hitno sazivanje ove sjednice Kolegija kao što je poznato Kolegij je sazvan kada smo imali dom naroda iako je znato da je taj dan dom naroda, ne vidim u čemu je bila hitnost ove sjednice ako uzmemo da revolving kredit kantonalne bolnice u petom mjesecu istekao, da smo imali ovdje tematske sjednice vezane za kompletno zdravstvo, da je peta tačka dnevnog reda skinuta s dnevnog reda zato što je rečeno da imaju novi momenti, imamo novo mišljenje kantonalnog pravobranilaštva, prema tome nije postojala hitnost a znamo da dva potpredsjednika Skupštine su bila odsutna i još plus dva poslanika što je četiri člana Kolegija, mislim da na takav način ubuduće ne bi trebalo raditi. Moje prvo pitanje je Vladi USK-a i Premijeru, kao što je poznato Skupština USK-a je donijela Odluku da idu četiri tematske sjednice, sedmi mjesec je na izmaku, imamo još pet mjeseci, stanje na terenu je više nego alarmantno, znači kada će konkretno pitanje: Kada će Vlada ponuditi termin održavanja tematskih sjednica privreda, poljoprivreda, zdravstvo i ostalo kao što je Skupština donijela Odluku? Mislim da je vrijeme da se o tome raspravlja i danas imamo Informaciju o stanju privrede a nemamo tematsku sjednicu koja mora definisati jel ima tamo u kranjem slučaju kad bude tačka dnevnog rada biće puno diskusija. Drugo pitanje Ministarstvu poljoprivrede, Federalno ministarstvo poljoprivrede je usvojilo Program poticaja za 2015.godinu, u kojoj fazi je kod nas i da li je donešena odluka i da li je počela aktivnost oko primjere te odluke? Hvala vam.

Poslanik Farko Hodžić:

Ja ću postaviti jedno poslaničko pitanje, poslaničko pitanje ja molim Službu da uputi JU Zavod za prostorno uređenje Grada Bihaća, naime, ja sam još i prije zamoljen od grupe građana da se za regulaciju saobraćaja u naselju Repušine u ulici odnosno raskrsnici ulica Ajnina i Bosanskog stanka, tamo je potreban jedan saobraćajni znak koja košta vrlo malo, hoću reći ono ogledalo saobraćajno gde se vidi ko dolazi iz suprotnog pravca. prisutno je tamo da je preglednost vrlo slaba i lično sam više puta gdje je ugroženo i pješaci a da ne pričam oko motornih vozila jer ne vidi se uopšte ko dolazi iz ulice Bosanskog stanka ne vidi iz Ajnine ulice. U ime građana sam razgovarao sa direktorom Zavoda, on je kazao da to učinim preko mjesne zajednice što smo mi i uradili preko mjesne zajednice i dostavljen je taj zahtjev JU Zavod za prostorno uređenje međutim do danas nit je ko reagovao nit je ko izišao da to sagleda. Ja postavljam pitanje hoće li i kada će neko izaći a ako nemaju novca nek bar izađe neko i kaže to se treba postaviti da daju odobrenje a mi ćemo građani skupiti novac da to postavimo da bi spasili ljudske živote. Toliko, hvala lijepa.

Poslanik Albin Muslić:

Ovaj put imam jedno poslaničko pitanje a ono glasi u kojoj fazi se nalazi Projekat zaobilaznice Grada Bihaća na relaciji granični prijelaz Izačić – Kamenica – Čavkići – Orljani, te kada će otpočeti izgradnja navedene saobraćajnice odnosno šta je Vlada USK-a uradila po pitanju implementacije ovog kapitalnog projekta? Ovo pitanje inspiriralno nedavnom posjetom direktora Direkcije cesta FBiH, gospodina Vujeve, koji je rekao da će na području USK-a implementirati oko 40.miliona KM u saobraćajnu infrastrukturu. Istovremeno, za razliku dok se u drugim djelovima BiH grade autoputevi, brze ceste, zaobilaznice, čak i tamo gdje ima jako malo stanovnika kao što je primjer Hercegovine, mi na na području našeg kantona u proteklih 20.godina od rata imamo tek par kilometara nove magistralne ceste od Bihaća prema Bosanskoj Krupi i taj projekat ako se ne varam je zaustavljen i ne zna se kada će se nastaviti. Zašto ovo postavljam pitanje, postavljam iz razloga zato što taj projekat je jedan od vitalnih žila kucavica prometne povezanosti našeg kantona sa EU, on će sam po sebi povući angažiranje građevinske operative, dovest će do novog zapošljavanja i to je projekat oko kojega bi trebao da postoji jedan opći koncenzus u ovoj Skupštini i Vladi Kantona

bezobzira na političku pripadnost i u tom smislu molim Vladu Kantona da da odgovor na ovoi pitanje jer već smo i u medijskim nastupima imali priliku da slušamo da je to važan projekat, da trena ga realizirati međutim osim verbalne komunikacije i poruka iz Sarajeva ništa se na tom pitanju nije uradilo barem onoliko koliko ja znam te bih molio da Vlada Kantona ako nije da uzme ovaj projekat u fokus svoje pažnje u narednom periodu. Hvala lijepa.

Poslanik Sanel Mahić:

Moje poslaničko pitanje je usmjereno Zavodu zdravstvenog osiguranja i ono glasi kada će oboljeli od celeaklije moći koristiti planirana sredstva za oboljele od ove bolesti koja su planirana programom rada odnosno finansijskim planom Zavodom zdravstvenog osiguranja za 2015.godinu? Znamo dakle da smo kada smo usvajali navedene dokumente da su sastavni dio toga bila i planirana sredstva u iznosu od 40.hiljada za oboljele od ove bolesti međutim još uvijek nije usvojen program utroška ovih sredstava tako da se nadam da ćemo u što skorije vrijeme da će ta sredstva biti operativna? Osvrnuo bi se samo kratko na odgovor koji mi je JU Direkcija regionalnih cesta USK-a dala kada sam postavio pitanje pregleda utroška sredstava po općinama kantona, u odgovoru stoji naglašavamo da regionalne ceste imaju kantonalni značaj povezuju najmanje dvije općine što nije slučaj kod lokalnih cesta iz navedenog razloga i u skladu sa odredbama Zakona o cestama evidenciju utroška sredstava vodimo po regionalnim cestama ne po općinama. Dobro, ovo je meni prihvatljivo ali znamo dakle da te regionalne ceste uvijek povezuju dakle dvije općine moglo se ovdje kazati a mislim da jako dobro znate kada se realiziraju određena sredstva nad regionalnim putem da ta dionica leži na određenoj općini, to nije bio problem ovdje dobiti presjek sredstava da se može komparirati a razlog postavljanja mog pitanja jeste bio regionalni put R405 koji povezuje Sanski Most sa Bosanskom Krupom dakle ove dvije općine ko je god se vozio tom cestom zna u kakvom se katastrofalnom stanju ova regionalna cesta nalazi a pogovoto ako znamo da najveći dio stanovništva na općini Sanski Most gravitira upravo na ovom putu onda je jako razočaravajuće kada vidimo da je u 2014.godini nije uložena niti jedna KM a da je bilo preko milion i 200.hiljada ulaganja u regionalne ceste.

Poslanik Samir Muminović:

Ja ću opet o nečem što nas sve žulja a čini mi se da se malo radi na tom da se nešto popravi. Kao što znate prije dvije godine desio se jedan katastrofalni požar koji je zadesio našu kantonalnu bolnicu. Požar je tom prilikom izazvao jednu veliku štetu no odmah nakon požara ekspertna komisija izašla je da procjeni štetu na kantonalnoj bolnici gdje je izrečunato da je šteta od požara bila milion i 300.hiljada maraka međutim našim mukama tu nije bio kraj prije svega zbog jednog nemarnog odnosa tadašnjeg menadžmenta na čelu sa direktorom Hajrudinom Havićem koji su ostavili kantonalnu bolnicu bez krova potpuno nezaštićenu, ona je mjesecima kislata tako da je šteta od vode i vlage koja je uništila ono što se je spasilo od požara puno veća nego što je to od vatre. tada su oštećeni odjeli prije svega hirurgija koja je centralni odjel svake bolnice, zatim urologija, ortopedija i operacione sale i ti su odjeli tad izmješteni. Evo i nakon dvije godine ti odjeli su ponovo izmješteni a prostor u kojima su ti odjeli radili su potpuno devastirani. Na ovaj način kako se sad radi na u tim odjelima, radi funkcionisanje tih odjela je teško a upitan je i kvalitet pružene zdravstvene usluge koja se pruža u ovako improviziranim uslovima. Znači prioritet menadžmenta a i nas poslanika kantonalne Skupštine kao osnivača kantonalne bolnice je prije svega da se ti odjeli vrata na njihovoi mjesto i da se uposlenicima omogući nesmetan rad. Znajući da za to trebaju značajna finansijska sredstva postavljam poslaničko pitanje koje glasi: Nakon požara koji je zadesio Kantonalnu bolnicu Bihać prije dvije godine pokrenut je u državi i regionu akcija pomoći u

sakupljanju novčanih sredstava za sanaciju štete koja je nastala požarom. Akcijij su se odazvali brojne ustanove, građani, radnici kantonalne bolnice i drugi te su skupljena znatna sredstva u novcu. Ovom prilikom me zanima koliko je tih sredstava skupljeno, jesu li ta sredstva utrošena a ako jesu kako su utrošena i za koje namjene te pošto se radi o sredstvima koja su ciljano skupljana da se sanira šteta na odjelima koji su stradali u požaru da li su namjenski utrošena? Hvala vam.

Poslanik Nijaz Kadirić:

Ja imam poslaničko pitanje a mislim da će tu moći odmah pomoći predsjedavajući Skupštine a odnosi se na skupštinsku komisiju za poljoprivredu. Mi smo nedavno je održan okrugli sto vezan za temu sušenja zasada maline na USK-a i jedan od zaključaka koji je donesen da se što prije oformi skupštinska komisija za poljoprivredu u kojoj bi aktivno učešće uzeli predstavnici poljoprivrednih udruženja i sami poljoprivredni proizvođači. Ja bi volio od parlamentarne većine ili od samog predsjedavajućeg da otprilike tim ljudima damo nekakav odgovor kad bi se ta komisija mogla formirati, poljoprivreda je strateško opredjeljenje i uvjerali smo se na ovom okruglom stolu da o važnosti svega toga i da ono što smo vidjeli da ti ljudi stvarno imaju izuzetno dobre prijedloge u rješavanju svih problema koji su zadesili evo konkretno u ovome slučaju zasade maline a znamo sve poteškoće u kojima se inače nalaze poljoprivrednici pa ako predsjedavajući može da da neki okvir kad otprilike možemo računati da će se ova komisija formirati? Hvala.

Poslanik Asmir Ćufurović:

Ja ću danas imati jedno zastupničko pitanje prema Direkciji za ceste, ono je vrlo konkretno, da li Federalna direkcija za ceste ima u planu izgradnju pješačkih staza ili trotoara na djelu magistralne ceste M42 Velika Kladuša – Cazin u naseljenom mjestu Barake? Obrazloženje: Na ovom djelu magistralne ceste od raskrsnice ka regionalnoj cesti Vidovska – Johovica do skretanja do Osnovne škole Sead Ćehić Grahovo, nepostoji ni trotoar niti pješačka staza kojom bi se pješaci mogli slobodno kretati. S obzirom da se na tom dijelu nalazi Osnovna škola Sead Ćehić Grahovo a pješaci su vrlo često i djeca osnovno-školskog uzrasta oni su često prisiljeni da idu kolovoznim trakom što ugrožava njihovu sigurnost. Nekada je bila jedna aktivnost pokrenuta od strane ove direkcija nažalost to ni danas nije privedeno namjeni i danas su oni vrlo ugroženi pješaci kada idu na put od škole do kuće i obrnuto. Zahvaljujem.

Poslanik Željko Mirković:

Pozdravljam... i dragi naši građani ako nas čujete i slušate jer imam informaciju da u ovom momentu nema prenosa. Prije nego što postavim dva vijećnička pitanja ja ću opet izraziti svoje negodovanje jer nisam dobio odgovor na svoja vijećnička odnosno pardon poslanička pitanja koja sam postavio na proteklim Skupštinama, jednon se tiče dakle ili je neki nesporazum ja ne znam, moje je pitanje bilo a u interesu je građana a tiče se bivšeg odlagališta smeća Vučjak koje sam ja postavio ministru prostornog uređenja ovdje tokom jedne diskusije i očito da je tu došlo do nekog nesporazuma između službe i možda ministarstva ili poimanja mog pitanja u to vrijeme dakle ja ponavljam to pitanje još jednom dakle šta je s tom površinom i da li postoji procjena od strane Zavoda za javno zdravstvo i Ministarstva koliko je ugroženo zdravlje građana obzirom da je ta površina koja je bila konzervirana zaštićena, da je uništena pokrivka i da sada te ocjedne vode idu nekontrolirano u sliv Klokota odnosno u sami klokotski sistem odnosno u vodovod u općini Bihać. Dakle ovdje prvenstveno ne mislim na biološka zagađenja nego mislim na hemijska zagađenja koja mogu poticati s te strane a ona su vrlo opasna i ne mogu se praktično eliminisati iz našeg

vodovoda zato ponavljam to pitanje još jednom pa kome nije bilo jasno evo sada da bude jasno. Drugo pitanje na koje nisam dobio odgovor se tiče Zavoda zdravstvenog osiguranja i onih 7,5 miliona KM koje ja uporno pitam gdje su pare a nikad odgovora nema gdje su pare evo ja još jednom ponavljam to pitanje i tražim da mi se da odgovor gdje su pare i kako je utrošeno 7,5 miliona KM na osnovu kojih odluka itd. Ja ako ne dobijem odgovor na ovo pitanje sa ove govornice u narednih možda dva mjeseca ja ću onda to pitanje potražiti kod drugih institucija ove države koje će sigurno naći načina da dobiju taj odgovor. I slijedeće pitanje na koje još nisam dobio također odgovor i također spada u domen rada Ministarstva zdravlja je ona rang lista famozna koju sam ja tražio od Zavoda za zapošljavanje i nisam je još do danas dobio i ta lista je vrlo zanimljiva, prvo meni kao poslaniku a naravno i javnosti i svim onim 295 koji se osjećaju prevareni i oštećeni i ja ih ovaj put pozdravljam i obećavam da ću biti uporan u traženju odgovora na to pitanje pa da znamo jednom istinu. E sada, da kažem moje pitanje koje sam ja ustvari ja dva imao, ubrzaću ja sada ali predsjedavajući vi trebate znati da ja ne dobijam odgovore, ja imam pravo protestovati da se razumijemo, e sada vrijeme za moja pitanja prvo moje pitanje je kratko tiče se trga Maršala Tita u Bihaću, najprometnije saobraćajnice koja ide s gradskog mosta prema granici ili prema centru grada, ta saobraćajnica je na jednom djelu sužena nekakvim panelima ne znam ni ja s čime i ja se pitam ko ima pravo sužavati saobraćajnicu i dovoditi u pitanje bezbjednost učesnika u saobraćaju, bezbjednost pješaka i svih i cijelog toga saobraćaja, znači da li to pitanje upućujem inspekciji nadležnoj i policijskoj upravi u Bihaću, da odgovori da li li je to urađeno bespravno ili neko ima dozvolu ako ima dozvolu da vidimo kakva je to dozvola i ko je tu dozvolu dopustio da se na najprometnijem djelu Grada Bihaća sužavaju kolovozne trake? Slijedeće pitanje koje imam danas je na inicijativu građana naselja odnosno mjesne zajednice Lušci Palanka, opština Sanski Most i tiče se zahtjeva znači za povlačenje odluke sa kojom bi trebala biti ukinuta policijsko odjeljenje ustvari na području te mjesne zajednice Luška Palanka, građani ja do sad, ovo ću pitanje dati u pisanoj formi ali ću ga zbog vremena samo prepričati dakle građani zahtjevaju da se ne ukida policijsko odjeljenje znači MUP-a USK-a na području MZ Luška Palanka, mjesne zajednice koja je 25 kilometara daleko od središa Sanskog Mosta, Mjesne zajednice koja ima preko 300 kvadratnih kilometara i mjesne zajednice koja je uvijek imala policijsko odjeljenje i prije rata i poslije rata. To je povratničko naselje i ljudi imaju veliko povjerenje u MUP USK-a i smatraju da ukidanjem ove odjeljenja policijske, MUP-a USK-a bi bilo ugrožena njihova sigurnost odnosno bi se osjećali nesigurni i oni insistiraju kod MUP-a USK-a i ja pitam koji su razlozi da se ta odjeljenja ukida obzirom da stvara nesigurnost kod žitelja ove velike mjesne zajednice na području Sanski Most, to je moje pitanje i zahtjevam od MUP-a i komesara policije USK-a da preispisa svoju odluku i da neke druge načine racionalizacije potraži na drugom mjestu a da ovoj mjesnoj zajednici ostane ova policijsko odjeljenje koje ulijeva sigurnost građanima povratničkog naselja Luška Palanka.